

Riba Dia di Independencia di Jamaica


Bandera Jamaiquino a wordo hisa pa prome bes na rotonde di Aeropuerto Internacional Reina Beatrix

DIARANSON atardi, banda di rotonde di aeropuerto, a tuma luga un ceremonia en conexion cu Dia di Independencia di Jamaica. Esaki sigur tabata un momento di gran orguyo pa e comunidad Jamaiquino, Consul Honorario Sr Donald Taylor, Prome Minister mr. Mike Eman, miembronan di Parlamento y invitadonan cu a yega hunto pa presencia pa prome biaha e bandera di e pais bay halto na e rotonde.

Sr. Chris James, hunto cu e ekipo di CCDN, a organisa e evento special aki den cual diferente orado a hiba palabra. A habri e atardi cu oracion di Pastor Euphema McLean di God's Faith Pavillion Deliverance Ministries, sigui pa palabra di Consul Honorario di Jamaica Donald Taylor via video. Tambe a hiba palabra Vice-Presidente di Parlamento mr. Muzannin Wever, sigui pa miembro di parlamento Otami Thomasia.

Prome Minister mr. Mike Eman na su turno tambe a dirigi su mes na tur presente. Inspira pa palabranan for di biografia den buki pa Nelson Mandela, caminda a menciona trayectoria y distancia largo cu mester a cana pa libertad, pa respet, pa reconocimiento, awe ta duna reconocimiento na e trayectoria largo cu e comunidad Jamaiquino mester a cana pa logra esaki awe na Aruba.

Cu determinacion a resona e conviccion di Premier Eman, cu e compromiso di e Gobierno aki no ta cu algun pero cu e comunidad den su totalidad, pa segura cu tur ta gosa di e oportunidadnan di forma igual, ta ricibi ayudo igual y cu e nece-



sidad di e comunidad pa haya oido y ayudo di e gobernacion.

“E momento cu subi e bandera di Jamaica na e rotonde di aeropuerto, ta momento di reconocimiento, respet y di afirmacion cu e comunidad Jamaiquino ta pertenece y ta forma parti di e comunidad di Aruba. Esaki ta un simbolo cu ta bisa hopi di e compromiso cu tin cu haci na cada ciudadano riba nos isla. E comunidad Jamaiquino a forma parti semper di e sacrificio cu a tuma luga riba nos isla.

Prome Minister den su discurso a enfatisa riba e importancia di e presencia di e comunidad Jamaiquino riba nos isla, no tin un solo trabou caminda no a mira un Jamaiquino trahando. Nan t'ey den cada trabou, cada lucha, cada sodo cu a forma parti di e lucha pa un miho Aruba.

“Ban hisa e bandera na honor di e comunidad Jamaiquino”, ta locual cu Prome Minister Mike Eman a finalisa su discurso cu ne.

Prome Minister Eman a gradici e comunidad Jamaiquino pa nan trabao inmenso cu nan a haci na bienestar di nos desaroyo y a felicita nan cu e momento historico aki di reconocimiento.

Local
Special

25% off
for locals*

*Offer is valid for local residents with a local ID. Limited to a maximum of 12 persons. Bottles are not included in this offer.

SUNSETGRILLE

Open Daily 5:30 pm – 10:30 pm

J.E. Irausquin Blvd. 81, Palm Beach | hiltonaruba.com | [@hiltonaruba](https://www.facebook.com/hiltonaruba)
+297-526 6612 | AUAHH_SunsetGrille@hilton.com